

Mensahe 7

**Naghulagway si David ni Cristo, ang Tinuod nga David—
ang Hari sa Moabot nga Gingharian sa Dios**

Basahong Kasulatan: 1 Sam. 21:1-6; 2 Sam. 7:16; 23:1-7;
Amos 9:11-12; Mat. 1:6; 12:1-4

- I. Naghulagway si David ni Cristo, ang tinuod nga David—1 Sam. 21:1-6; 2 Sam. 23:1-7; Mat. 12:1-4:**
- A. Si David ang labing hingpit nga hulagway ni Cristo nga gipadayag sa Daang Tugon, nga naglangkob sa kinatas-ang panahon; tin-aw sab nga gipadayag sa Bag-ong Tugon nga naghulagway si David ni Cristo—Mat. 12:3.
 - B. Subay sa prinsipyong makita sa Mateo 12, nga labaw si Cristo sa tanang hulagway, labaw sa tanang butang ug tawo sa Daang Tugon nga naghulagway Niya, si Cristo ang labaw nga David:
 - 1. Nagpasabot ang pulong sa Ginoo sa Mateo 12:3-4 nga Siya ang tinuod nga David:
 - a. Dunay mga magsusunod si David, ug si Cristo, nga tinuod nga David, dunay mga tinun-an sab nga mga magsusunod Niya.
 - b. Nagpasabot kining tanan nga si David ug ang mga magsusunod niya hulagway, hulagway-daan, ni Cristo ug sa mga tinun-an Niya.
 - 2. Ang pulong sa Ginoo sa Mateo 12:3-4 nagpasabot sab sa pagkausab sa dispensasyon gikan sa pagkasacerdote ngadto sa pagkahari:
 - a. Ang pag-abot ni David nag-usab sa dispensasyon gikan sa panahon sa mga sacerdote ngadto sa panahon sa mga hari, nga niini labaw ang mga hari kaysa mga sacerdote.
 - b. Sa pag-abot ni Cristo, nausab sab ang dispensasyon, ning panahona gikan sa panahon sa kasugoan ngadto sa panahon sa grasya, nga niini labaw sa tanan si Cristo.
 - c. Sa Mateo 1:6 ginganlan si David og “ang hari” kay pinaagi man niya ni-dangat ang hari ug ang pagkahari; siya ang timaan sa duha ka panahon, ang kataposan sa usa ka panahon ug ang pagsugod sa usa pa ka panahon.
 - C. Gipadayag sa Mga Salmo 22, 109, ug 110 ang paghulagway ni David ni Cristo nga nag-antos:
 - 1. Makita nato sa Salmo 22 si David nga nag-antos nga naghulagway ni Cristo nga nag-antos nga niagi sa Iyang kamatayon—vv. 1a, 6-21.
 - 2. Pag-ampo ni David kalabot sa iyang mga pag-antos ang Salmo 109:
 - a. Hulagway ni Cristo si David dinhi, ug naghulagway sa mga pag-antos ni Cristo ang mga pag-antos ni David.
 - b. Naghulagway sa pag-ampo ni Cristo ang pag-ampo ni David kalabot sa iyang mga pag-antos.
 - 3. Gitubag sa Salmo 110 ang pag-ampo sa Salmo 109:
 - a. Kay tubag man ang Salmo 110 sa pag-ampo ni David nga hulagway ni Cristo sa Salmo 109, isipon gyod nga tubag sa pag-ampo ni Cristo ang Salmo 110—Heb. 5:7.
 - b. Gitubag sa Dios kining pag-ampo dili lang pinaagi sa pagkabanhaw ni Cristo kondili sa pagkayab sab ni Cristo—Buh. 2:23-24, 32-33; 5:31.
 - D. Naghulagway sab ni Cristo si David sa kataposang mga pulong niya—2 Sam. 23:1-7:
 - 1. Si David, nga hulagway ni Cristo, matarong nga nagbuot sa mga tawo nga may kahadlok sa Dios—v. 3b.

Mensahe 7 (sumpay)

2. Si David, nga hulagway ni Cristo, sama sa kahayag sa buntag inigsubang sa Adlaw nga walay mga panganod—v. 4a.
3. Matarong ngani nga magbuot si Cristo sa mga tawo nga may kahadlok sa Dios, sama Siya sa kahayag sa buntag inigsubang sa Adlaw, “ingon sa pagturok sa lunhawng balili sa yuta, / Sa paghayag sa Adlaw human sa ulan”—v. 4b.

II. Naghulagway si David nga hari ni Cristo nga Hari—1 Sam. 16:12; 2 Sam. 16:5-6; Mat. 1:6; 2:2; 27:11; Bug. 19:16:

- A. Naghulagway si haring David ni Cristo—ang Hari sa moabot nga gingharian sa Dios—isip haring giestablisar sa Dios, ang haring nakig-away, ug ang haring gitamay ug gisalikway sa mga tawo—1 Sam. 16:12; 2 Sam. 16:5-6:
 1. Ingon nga gihulagwayan ni David, si Cristo ang Haring nakig-away, nga nakadaog sa tanang kaaway Niya, nakabaton sa yuta, ug nag-andam sa tanang materyal alang sa pagtukod sa iglesia nga templo sa Dios—1 Cron. 21:22-25; 29:29.
 2. Sa mapanag-iya na ni Cristo ang yuta, maghari Siya sa tibuok yuta isip Hari diha sa gingharian, magbuot sa tanang nasod uban sa madaogong mga magtutuo Niya—Bug. 20:4, 6; 2:26-27.
 3. Isip Hari nga moabot, si Cristo ang Ulo ug sentro sa moabot nga gingharian sa Dios sa millennium; kini unya ang katumanan sa Isaias 32:1, Jeremias 23:5, ug Zacarias 14:9 ug 17.
- B. Gihisgotan sa mga propeta nga usa ra si David ug si Cristo—Jer. 30:9; Ezeq. 34:23-24; 37:24-25; Os. 3:5; Amos 9:11:
 1. “Moalagad...sila ni Jehova nga ilang Dios ug ni David nga ilang Hari, nga patindogon Ko alang nila”—Jer. 30:9.
 2. Nagpasabot kini ni Cristo, nga mao ang tinuod nga David ug mao unya ang Hari sa pagpahiuli, sa ato pa, sa millennium—Isa. 32:1; Bug. 20:4, 6.
 3. “Ipahamutang Ko ibabaw nila ang usa ka Magbalantay, ang Akong Sulugoon nga si David, ug pasibsibon Niya sila; pasibsibon Niya sila, ug mahimo Siyang Magbalantay nila...Ug ang Akong Sulugoon nga si David mahimong Prinsipe sa ilang taliwala”—Ezeq. 34:23-24:
 - a. Naghulagway si David ni Cristo, ang tinuod nga Magbalantay sa panon sa Dios, nga nagpakaon nato ug nagbusog ug nagtagbaw nato—Juan 10:11; Heb. 13:20; Isa. 9:7; Os. 3:5; Miq 5:2; Luc. 1:32-33.
 - b. Inig-anhi ni Ginoong Jesus nga Magbalantay aron mangatiman nato, moanhi sab Siya ingon nga Hari aron modumala nato; ang lugwa sa pag-atiman sa Ginoo kanato isip atong Magbalantay mao nga mosugot ta Niya nga atong Hari ug magpasakop sa Iyang pagkahari ug sa Iyang trono sa sulod nato.
 4. “Mahimong Hari nila ang Akong Sulugoon nga si David, ug usa ra ang Magbalantay nilang tanan”—Ezeq. 37:24:
 - a. Nagpasabot kini ni Cristo nga Magbalantay nato, nga mao ang tinuod nga David.
 - b. Kalabot sa Israel matuman ang panagna nga gihatag dinhi panahon sa millennium, sa panahon sa pagpahiuli, ug sa eternidad, sa bag-ong langit ug bag-ong yuta.
 5. “Human niana mamalik ang mga anak sa Israel ug mangita ni Jehova nga ilang Dios ug ni David nga ilang Hari, ug mahadlokong silang manuol ni Jehova ug sa Iyang kaayo sa ulahing mga adlaw”—Os. 3:5:
 - a. Si David nga ilang Hari mao si Cristo sa millennium.

Mensahe 7 (sumpay)

- b. Nagpasabot sa panahon sa pagpahiuli *ang kataposang mga adlaw*—Mat. 19:28.
- C. Sa umalabot nga paghari sa Ginoo hingpit nga mapadayag ang pagbulot-an ug himaya sa Dios, ug ang tibuok yuta ug ang mga katawhan niini dad-on ngadto sa pagkamatarong, kalinaw, kalipay, ug hingpit nga panalangin sa kabuhatan sa Dios—6:13; Isa. 32:1, 16-18; 35:1-2, 5-7.

III. Naghulagway ang gingharian ni David sa moabot nga gingharian ni Cristo—2 Sam. 7:12, 16; Mar. 11:10; Bug. 11:15:

- A. Pinaagi ni Natan nga propeta, namulong si Jehova ni David, nga niingon, “Ligonon ang imong balay ug ang imong gingharian hangtod sa hangtod sa imong atubangan; establisaron ang imong trono hangtod sa hangtod”—2 Sam. 7:16:
 - 1. Nagpasabot ni Cristo ang balay ni David, nagpasabot sa gingharian ni Cristo ang gingharian ni David, ug nagpasabot sa trono ni Cristo ang trono ni David—v. 16.
 - 2. Gingharian ni Cristo ang gingharian ni David, ug usa ra ang trono ni David ug ni Cristo—Isa. 9:7; 16:5; Luc. 1:32; Buh. 2:29-31.
 - 3. Ang pulong sa Dios nga gipahayag ni Gabriel nga arkanghel nagpamatuod sab nga matuman ang pakigsaad ni David diha ni Cristo—Luc. 1:32-33.
 - 4. Natuman diha ni Cristo ang gisaad sa Dios ni David nga lig-onon ang iyang balay ug gingharian ug establisaron ang iyang trono hangtod sa hangtod.
 - 5. Mapanunod ni Cristo ang trono ni David sumala sa gisaad sa Dios ni David nga maghari sa balay ni Jacob hangtod sa hangtod, ug dili matapos ang Iyang gingharian—vv. 32:33:
 - a. Ang yutan-ong bahin sa gingharian sa millennium sa moabot nga panahon mao ang gingharian sa Mesias, nga ginganlag gingharian sa Anak sa Tawo sa Mateo 13:41 (Bug. 11:15).
 - b. Mao unya kini ang mapahiuling gingharian sa Israel (Buh. 1:6), ang tabernaculo ni David—ang gingharian ni David—nga tukoron pag-usab sa Ginoo (15:16; Mar. 11:10).
- B. Gipanagna ni Amos nga, isip Hari, patindogon ni Cristo ang “napukan nga tabernaculo ni David”—Amos 9:11:
 - 1. Ang tabernaculo ni David mao ang gingharian ni David ug ang harianong pamilya ni David—2 Sam. 7:12, 16.
 - 2. Napukan kanang ginghariana, kanang harianong pamilya, sa pag-abot ni Nabucodonosor aron sa pagbihag sa nasod sa Israel, pagpaawaaw sa yuta, pagsunog sa syudad, paglaglag sa templo, ug pagbihag sa hari—Hari 25:1-21.
 - 3. Sa panagna ni Amos nisaad ang Dios nga usa ka adlaw niana ipahiuli ang gingharian ni David ug ang pamilya ni David, ug nganlan ang tanang nasod sa ngalan ni Jehova—Amos 9:11-12.
 - 4. Nagpakita kining panagnaa nga mobalik si Cristo aron mahimong tinuod nga David (Isa. 9:7; 16:5; Jer. 30:9; Ezeq. 34:23-24; 37:24-25; Os. 3:5) ug magtukod pag-usab, sa ato pa, magpahiuli, sa gingharian sa Iyang ginikanan nga si David aron mapahiuli ang tibuok uniberso.
 - 5. Nianang panahona ang gingharian ni David mahimong gingharian ni Cristo ug sa Dios hangtod sa eternidad—Bug. 11:15.
 - 6. Molvingkod ang Ginoo sa trono ni David ug maghari ni Jacob, sa ato pa, sa katawhang Judio (Luc. 1:32-33), ug magbuot Siya sa kanasoran sa yuta panahon sa millennium (Sal. 2:8; 72:8; Dan. 7:14; 2:35).